



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 89. Hosius Legatus a Simonetta Cardinale objurgatus.

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

Sæcul XVI.

A.C. 1562.

§. LXXXIX.

Hofius Legatus a Simonetta Cardinale objurgatus.

*Sarpus l. 6.
p. 519.*

Postea Simonetta Cardinalis nonnihil cum Legato Hofio contendens, quod nimium faciles, aures præbuerit Theologorum vanis subtilitatibus, eidem exprobrabat, dicebatque: „ab omnibus „Synodi Patribus decretum illud citra „contradictionem approbatum fuit, „nunc autem a nonnullis ex iis minus „solida opponuntur argumenta, quibus alii, quando ad rem ipsam ventum erit, haud dubie sint contradic- „cturi: porro certus sum, quod omne, „quidquid siue bonum, siue malum „dicetur, ab hujus sententiæ fautoribus propugnetur, & ab adversariis reprobetur, nec multum referat, an paulo plus, minusve assertiones sint ab objectionibus securæ: „nam cum duæ jam indictæ sint Sessiones, in quibus nihil decretum est, si „tertia Sessione idem fiat, de Concilii „existimatione planissime actum erit: „idcirco necessitas petit, ut aliquid saltem in ea statuatur.„ Hofius hisce rationibus expugnatus respondit, Theologos illos ab Oratoribus Cæsareis ad se missos, & quicquid esset, id bonum in finem a se factum: attamen tum primum

num sensit Simonetta Præfulis illius candorem aliena sagacitate deceptum, atque inde suspicatus, Ministros Cæsaris ex illius ore arcani quidpiam expiscatos, rem ceteris Legatis communicabat, & omnium sententia eo abibat, ut prima quaque opportunitate Hosium ea de re commonefacerent. His ita interim compositis unice de celebranda Sessione agebatur.

Sæcul. XV.
A C 1562.

§. XC.

Concilii Tridentini Sessio vigesima prima seu quinta sub Pio IV.

Die decima sexta Julii Sessio celebratur, quæ regnante Pio IV. erat quinta, ab inchoati autem Concilii tempore vigesima prima. Convenerant Patres in Ecclesia Pontificio habitu ornati, ac Principum Oratoribus stipati, ubi præmissis pro more solemnibus Marcus Cornarus, seu Cornelius patria Venetus Spalatrentis Archiepiscopus rem divinam Pontificio ritu peregit, Andreas vero Duditus Sbardellatus Thinii in Dalmatia Episcopus orationem habuit, & quamvis de usu Calicis sermonem fieri Synodi decreto prohibitum fuisset, nihilominus de hoc argumento totam suam concinnabat orationem, in qua præprimis miseram naturæ humanæ per Adæ peccatum corruptæ conditionem

Pallav. l. 17.
cap. 11. n. 20.
Es 21.
Raynald.
hoc ann.
num. 70.
Labb. tom.
14. p. 1324.
Es seq.